

## HALIFAT U AHMADIJA MUSLIMANSKOM DZEMATA

Prvo da kratko objasnim šta je halifat.

U časnom Kur'anu riječ 'halifa' stoji da kad je Allah dž.š. planirao-odredio da na Zemlji stvori Svog predstavnika on ga je nazvao halifa. Halifa znači 'onaj koji je došao nakon'. Znači Bog je odredio da stvori čovjeka kao Svog namjesnika ili predstavnika na Zemlji koji će po Njegovim naredbama i uputama prenesenim ljudima održavati red na Zemlji i provoditi zakon i pravdu.

Bog je odabrao odgovarajuću osobu da bude Njegov predstavnik na zemlji i onda ga uputio na pravi put koji mu je omogućio da dođe do visokog moralnog i duhovnog položaja, tako da je Allah u njegovoj osobi i preko takve osobe manifestovao svoje atribute. Tako je čovjek, oponašajući te atribute i posvajajući ih do granice ljudske sposobnosti postao odraz svog Stvoritelja Onda ga je odredio da bude Njegov vjesnik ljudima, da njih isto tako uzdigne do najviših moralnih i duhovnih položaja kroz slijeđenje njegovog primjera i učenja i da ih osposobi da formiraju zajednicu koja, kao jedna cjelina, svojim primjerom sloge i jedinstva bogobojažnih ljudi odražava i zaslužuje da bude predstavnik jednog Boga na Zemlji. Onda Allah određuje da ova zajednica vodi svijet i prosvjetljuje ostatak svijeta. Tako je institucija hilafeta velikodušnost koju Allah daruje narodu ili zajednici čiji članovi tačno slijede Božiju uputu. On im daje prevlast nad drugim narodima da održavaju red i uspostavljaju Njegovo jedinstvo u svijetu. Halifa mora neprestalno podsjećati ljude o Bogu i kroz ova sredstva graditi jedinstvo bogobojažnih ljudi. Iz ovog prvog spominjanja institucije poslaničkog hilafeta na zemlji možemo izvući najkarakterističnije odlike takvog halifata da su savršena pokornost iskazanoj volji Allahovoj nad tačnosti poruke i jedinstva proizvedenog tom porukom. Svaka bogobojažna osoba je svjedok Božijeg postojanja a halifa je prvi među svjedocima.

Znači ovo je ogromna i najvažnija čovjekova zadaća, svrha njegovog postojanja da spozna svog stvoritelja, da u što je moguće većoj mjeri posvoji Njegove atribute i tako se približi Bogu; onda da to prenosi drugim ljudima i uči ih Božijem zakonu i Njegovim atributima. Zato je Bog sve u svemiru podredio čovjeku, da služi njemu. Da bi čovjek postigao ovo znanje neophodna mu je bila Božija uputa, Njegovo vodstvo i Božija pomoć. U svemu ovome Bog je čovjeku dao slobodnu volju ali i mogućnost da postigne takve duhovne uzvišene položaje, kad u svom slavljenju i obožavanju Boga može stići čak meleke. Nažalost bilo je i drugih ljudi od samog početka stvaranja čovjeka koji su u vidu Iblisa (vođe pobunjenika i nepokornih) odbili da se pokore i zbog njih su meleki pitali Allaha: Zašto da stvara one koji će stvarati nered na zemlji i prolijevati krv a oni Ga slave i hvale i veličaju. Međutim, Bog je odgovorio da On zna ono što oni ne znaju a to je da će odsada djela biti u skladu sa šerijatom (Njegovim zakonom) i da će oni koji ga budu slijedili postići vječni život Dženneta a oni koji odbiju da će dopasti teške kazne Džehennema u kojoj će dugo ostati dok se njihove duše ne očiste i nađu užitak i zadovoljstvo u prisustvu svog Gospodara.

Prvi čovjek koji je od Boga bio određen za Halifu je bio hazret Adem a.s. i od tada se stvorenja u ljudskom obliku spominju kao ljudi znači drugačiji i uzvišeniji od svih ostalih stvorenja. 'On stoji umjesto', on je predstavnik Božiji na zemlji ljudima. Međutim, vremenom su ove opomene i uzor koji je poslanik pokazao blijedili, bile zaboravljene i iskrivljene, zapravo je čovjek bio preokupiran ovosvjetskim stvarima – materijalizmom i zbog svog zaboravljanja Boga, odnosno njegovih atributa, da je svrha njihovog postojanja da te atribute posvoje do krajnje mogućnosti itako se približe svom Stvoritelju i traže Njega svojim odlikama i vrlinama u svojim postupcima i djelima, zapadali su u sve vrste nereda, haosa,

svađa i očajnih patnji. Allah nikada nije ostavio ljude u stanju duhovne smrti. Kad god bi mrak nadvladao svijetom i kad god bi ljudi izgubili duhovni odnos sa svojim Stvoriteljem, Allah je uzdizao poslanika da ih reformiše i objavljuje mu svoje znakove i ajete, drugim riječima svoju vjeru da ih pouči. Prvi poslanici nisu mogli utemeljiti hilafet svojih odanih nasljednika, zato što je njihova poruka bila ograničena Allahovom voljom. Oni su bili poslani svojim pojedinačnim zajednicama i narodima, ali njihova poruka nije bila univerzalna. Takva univerzalna poruka je samo poruka islama.

Poslije Adema a.s. nizali su se poslanici u svim periodima i dobima, svim narodima kad i gdje je bila potreba za uputom. No, sve te upute su bile za određeni narod i za određeni period. Kad je čovjek dostigao posljednji stadij svog razvoja, da može shvatiti i poprimiti savršenu univerzalnu uputu i zakon za sva buduća vremena, Bog je poslao savršenog Poslanika sa tom uputom u vidu Časnog Kur'ana. Svi Poslanici su bili halife sa značenjem da 'stoje umjesto' jer su direktno od Boga dobivali objave i naredbe da ih prenesu ljudima i da ih upute, da im svojim primjerom pokažu odraz Božijih atributa i praktičnu primjenu Njegovih naredbi. Halifa nije samo vjesnik, nego je također staratelj svoje poruke. Međutim, halife nisu bili samo poslanici, kao što se spominje Adem i Davud a.s. i niz Israelskih poslanika; halife su i njihovi nasljednici koji su ostali da predvode ummet poslije smrti velikih poslanika kao što su Musa, Isa, Muhammed s.a.v.s. Poslije smrti Musa a.s. kome je bio obavljen zakon Tevrat Bog je poslao drugu manifestaciju Svoje moći u formi Halifa odnosno onih koji stoje umjesto ili koji su došli nakon ili poslije. Taj halifat nije dugo trajao. Poslije je došao Isa a.s. koji nije donio zakon, on je slijedio zakon Musa a.s. i samo je došao da ga pojasni on je bio Mesija Musaovog ummeta ili njihov reformator. Iza njega je ostao halifat koji traje u nekoj formi više od dvije hiljade godina. Muhammed a.s. je donio zadnji zakon i Allah je obećao da će taj zakon važiti za ljude do sudnjeg dana i da će On štiti Časni Kur'an. Poslije Časnog Poslanika ostali su pravedne halife (halifatu Rašidin) hazreti Abu Bekr, h Omer, h Osman i h Alija. Taj halifat nije dugo trajao iako se produžio u formi diktatora i monarha do 19 stoljeća. Međutim, Časni Poslanik je pretekao:

'poslanstvo će ostati među vama toliko dugo koliko Allah htjedne. On će ga završiti i slijedit će ga hilafat na pravilu poslanstva toliko dugo koliko Allah htjedne i onda će uzrokovati njegov kraj. Okrutna monarhija će onda slijediti i ostat će toliko dugo koliko Allah htjedne i onda će se završiti. Poslije toga će slijediti okrutni monarhiski despotizam da traje toliko dugo koliko Allah htjedne i svršit će se po Njegovoj odredbi. Onda će se nastupiti halifat po propisu poslanstva.' (Masnad Ahmad-hadis)

Iz ovoga je jasno da je Časni Poslanik s.a.v.s. pretekao da će hilafet koji će nastati poslije njega sastojati od dvije ere – jedna će slijediti odmah poslije njegove smrti i da će između tog perioda hilafeta i drugog halifata doći period tlačiteljskih, okrutnih i tiranskih režima.

Koji je taj drugi hilafet? Kad će nastupiti i kako?

Odgovor je sadržan u ovom hadisu. Da taj halifat će biti ostavljen od Boga, po Njegovoj volji i Njegovom odredbom.

Svi smo svjedoci žalosnog stanja muslimana. Zato što su se razjedinili, a to je posljedica njihovog udaljavanja od poruke Božijeg jedinstva, od istinsk poruke islama kao religije mira, udaljili su se i zaboravili Božije attribute i svrhu svog postojanja na zemlji. Ljudi generalno su izgubili mir zbog svog udaljavanja od Boga. Božije jedinstvo može uspostaviti samo sljedbenik Muhammeda s.a.v.s. donosioca zadnje savršene poruke, poruke islama.

Kako izvesti preporod islama? Kako mu ubrizgati novi život, i novu krepost živost? Svi muslimani kao i Ahmadija zajednica vjeruju da odgovor leži u obećanom dolasku Isa sina merjemnog i pojavi obećanog imama Mehdiya (reformatora određenog od Boga koji će biti od Boga upućen). Dakle svi muslimani vjeruju da je oživljavanje islama i njegov globalni

trijumf povezani sa dolaskom Isaa i pojavom imama mehdija. Razlika je samo u interpretaciji ovih pretskazanja.

Godine 1889 Hazret Mirza Ghulam Ahmad iz Kadiana je osnovao zajednicu po Božioj uputi i nraedbi, zajednicu bogobojaznih i ispravnih vjernika koji će dalje širiti tu zajednicu i svojim čistim postupcima i služenjem Bogu i Njegovim stvorenjima pokazivati Božije jedinstvo i zaslužiti da bude predstavnik Bođijeg jedinstva na zemlji.

Tako je poslije slijeda halifa iza Časnog Poslanika hilafet ponovo bio uspostavljen u skladu sa ovim pretskazanjem i mnogim drugim pretskazanjima koji govore o potrebi odnosno nužnosti halifata. Taj hilafet je određen da traje do Sudnjeg dana jer očuvava vjeru i Knjigu koja je posljednja objavljena za sva vremena do sudnjeg dana. Halifat je Božiji blagoslov ljudima muslimanima.

U čemu je tolika važnost halifata.

Da odgovorimo na ovo pitanje prvo ću ukratko reći o muslimnaskoj zajednici i državi poslije Časnog Poslanika s.a.v.s. U vrijeme h Abu Bekira kao prvog alife u islamu muslimanska država se već suočila sa mnogim unutrašnjim neredima i vanjskim prijetnjama. Pojavili su se mnogi lažni poslanici koji su nastojali da potiču ove neredne i bune. H Abu Bekir je uspio vođen propisom i primjerom bio u stanju da slomi sve sile pobune i tako očuva islam od svađa i raspada. Pred kraj njegovog halifata muslimani su ponovo bili ujedinjeni pod jednim standardom. Ovo je zahvaljujući blagoslovima koji su proistekli iz njegovog vodstva.

Poslije njegove smrti h Omer je bio izabran i Allahovom milošću muslimani su uživali mnoge blagoslove pod njegovom poniznom i tolerantnim vodstvom. Njegov period predstavlja zlatni period u historiji islama. On je započeo mnoge programe za brigu o muslimanima kao što su: on je prvi uveo sistem penzije za starije, koja sada prevladava na zapadu. Djeca bez staratelja su bila podizana o trošku države. Obrazovanje je učinjeno obaveznim za dječake i djevojčice. Slabim osobama i invalidima je bila data pomoć iz javnih fondova i uopćeno ljudi su se uzdizali u blagostanju pod njegovim vodstvom. Bila je osnovana policija, iskopani kanali, započete javni fondovi i muslimanski kalendar po hidžri što je bila ogromna pomoć za očuvanje historije. S ponosom čitamo da bi ha Omer noću putovao zemljom prurušen da procijeni i ispuni potrebe svojih stanovnika. Pod njegovim vodstvom su bile poražene dvije velike imperije: Rimska i Perziska koje su prijetile islamu.

Poslije njega za trećeg halifu je bio izabran h Osman. On je dalje proširio muslimansku imperiju. Iako su se proširili neredi i pobuna pukom milošću Allahovom i rezultatom blagoslova halifata ove bune i invazije su bile hitro suzbijene. On je napravio dalji doprinos javnoj brizi o ljudima i dalje unapređivao stanje muslimana i države. Pod njegovim nadzorom je Časni Kur'an bio satavljen i očuvan u svojoj sadašnjoj predstavljenoj formi. On je bio ubijen ali nema sumnje da je on svoj život položio za cjelovitost hilafeta i za najbolji interes islama. Njegova smrt je bila najtužnije poglavlje u historiji islama. Jedinstvo među muslimaniam je bilo razbijeno, muslimani su se okrenuli protiv muslimana.

Hazret Alija je bio izabran za četvrtog halifu. On je proglasio da je njegov prioritet da uspostavi zakon i red u zemlji i za ovaj cilj je nastojao što je najviše mogao da izbjegne borbu i prolijevanje krvi. On je nastojao da pomiri muslimane. Međutim izgleda da je zloba protiv halifata bila neizlječiva. Izbili su civilni ratovi i cijeli rasip je došao do vrhunca u ubistvu ha Alije.

'Vrijednost sjene se ne zna dok drvo ne bude posječeno.'- stara Afrička izreka.

Smrcu h Alije sjajni svetionik upute i jedinstva, ta veličanstvena fontana blagoslova i milosti je bila izgubljena. Muslimani su odbacili odijelo halifata i s tim sve njegove nebrojene blagoslove. Sistem monarhije, lišen sve duhovne slave, bio je uveden na mjesto halifata sa raznim dinastijama koje su se dizale tokom mnogih stoljeća. Civilni ratovi i krvave svađe su uveliko oslabili muslimane. Narodi koji su prije drhtali i saginjali se pred njima sada su im se suprotstavljali sa drskošću i neizbježno uspijevali u poniženju muslimana. Islamski utecaj i

svjetska prevlast je počela da nestaje dok nije došlo vrijeme kad su druge religije, iako bazirane na lažnim načelima, počele da dominiraju nad istinskom vjerom islam.

Obzirom na važnost halifata kao predstavnika muslimanskog ujedinjeng tijela i fronta i kao blagoslova kroz blizinu halife Bogu i vodeći ljude preko islamskog zakona ka prosperitetu i blagoslovima na ovom i budućem svijetu, muslimani su već godinama suočeni sa jednim od najvećih izazova da ponovo uspostave halifat. U današnje vrijeme islam je raskomadana unutrašnjim svađama i vanjskim rovarenjima i u strašnoj je potrebi za vođom, čovjekom od poštenja koji će preuzeti dužnost institucije hilafeta i pod Božijom uputom voditi muslimanski narod. Razni su se dizali da utemelje hilafat među muslimanima u prošlosti i nedavno u naše doba također. Tužna je ali historiska istina da su se svi oni suočili sa neuspjehom. Ovo je zato što su oni lišeni Božije upute i bazirani su samo na ljudskoj težnji sa vlastitim sklonostima i ličnim željama za moći u srcu svog utemeljenja .

Hilafat je duhovno vlasništvo Svemogućeg Boga i njegovo osnivanje nikada nije bilo izvedeno bilo kojim političkim ili neiskrenim vjerskim pokretom. Kad god je hilafat osnovan Božijom nakanom, to je bilo kroz Allahovog poslanika. Historija ne pruža ni jedan jedini primjer gdje je halifat bio osnovan bez dolaska poslanika da mu prethodi. Halifat obećan u Časnom Kur'anu je po tragu poslanika. Časni Poslanik je tako i pretskazao u hadisu koji sam navela ranije.

Halifat je ponovo trebao biti uspostavljen samo sa dolaskom Obećanog Mesije a.s. i Časnog Osnivača Ahmadija pokreta u islamu. Tj Obećani Reformator i Imam je bio Hazret Mirza Ghulam Ahmad iz Kadiana koji je tvrdio da je bio određen od Allaha zbog posredovanja i raznošenja islama u naše vrijeme; da mu je Bog podario pronicljivost u Časnom Kur'anu i objavio mu njegovo najdublje značenje i istinu. On je 23. marta 1889 godine po Božijoj uputi osnovao zajednicu muslimana koji su ga prihvatili i priznali kao reformatora islama 14 stoljeća po hidžri, u poslušnosti izrekama Časnog Poslanika i ajetima Časnog Kur'ana koji govore o njegovom dolasku i važnosti njegove misije i zadaće za islam i muslimane.

Svojim radom, svojom porukom i svojim primjerom, on je dičio (veličao, uzvišivao) Časnog Poslanika s.a.v.s. i pokazao superiornost islama na drugim vjerama tako da Časni Poslanik s.a.v.s može biti prihvaćen kao pečat poslanika od svih naoda svijeta. U vrijeme kad je fanatizam, mračnjaštvo (nazadnjaštvo) i zatucanost (slijepo vjerovanje) postali obilježje (odlika, svojstvo, karakteristika) muslimanskog razmišljanja, on je pokazao pred začuđenim očima tragača za istinom, široko i naoko (prividno) neograničenu riznicu znanja, filozofije i mudrosti iz Časnog Kur'ana. Moralne i duhovne vrijednosti usađene (utuvljene) Kur'anom i pokazane primjerom u njihovoj savršenosti od Časnog Poslanika s.a.v.s. su bile oživljene od njega, tako da su ljudi mogli da se okoriste ne samo od njegove pouke (pravila, upute, nauke) nego i iz njegovog primjera.

Kad je od Boga dobio objavu koja je najavljivala njegov skori odlazak sa ovog svijeta on je napisao knjigu 'Oporuka' ostavljajući svojim sljedbenicima kao miraz najvažniji savjet koji vođa i otac ostavljaju svojim dragim i onima za koje se brinu. Između ostalog u knjizi savjetuje svoje sljedbenike da se žrtvuju za put islama, da čiste svoje duše i traže Božiju milost. Zatim im daje utjehu da ne tuguju za njegovim odlaskom jer on je samo došao da posije sjeme koje će rasti i razvijati se i granati do neba; da će poslije njega Bog pokazati svoju drugu manifestaciju u tom da će srca ljudi nakloniti prema njegovom nasljedniku – halifi koji će stajati umjesto poslanika. Znači preuzeti vodstvo muslimana da ih upućuje po ismaskom zakonu i uputama da steknu Božiju blizinu da ih ujedini. Halifa je od Boga izabran i Bog preuzima brigu da pomaže svom izabraniku.

Mi smo svjedoci napretka Ahmadija Džemata od dana njegovog osnivanja marta 1889 ne iz dana u dan nego iz sata u sat ili svake minute.

Rođen u malom selu Kadian, udaljen od svakog sredstva komunikacije, nije bilo ni telegrafa, ni telefona, ni voza itd. Pa ipak mu je Allah između mnogobrojnih objava kroz jednu od njih

obaćeo 'Ja ću prenijeti tvoju poruku do svih uglova svijeta.' Na kakav izvanredan način se ova objava ispunila i ispunjava se svakim danom na svojstven neobičan i nevjerovatan način preko MTA, preko knjiga i medija širom svijeta, poruka istinskog islama i Imama ovog doba stiže do svih uglova svijeta. U vrijeme prvog zavjeta (bai'ata) samo je više od 40 sljedbenika dalo zavjet odanosti na njegovoj ruci a kad je Obećani Mesija a.s. umro, iza njega je ostalo nekoliko stotina hiljada sljedbenika iz raznih krajeva svijeta. Ljudi su dolazili da se lično uvjere u njegove tvrdnje i ostajali uz njega do kraja svog života, mnogi po cijenu svog života, dali su život i danas daju u ime istine i svoje vjere, vjerujući da je povratak Gospdaru ono što je najvažnije i ono što je trajno, Njegova nagrada i Njegovo zadovoljstvo.

Poslije smrti Obećanog Mesije a.s. 27 maja 1908 godine za njegovog zamjenika (prvog halifu) je izabran hazret Hakim Nurudin, istaknuti teolog i ugledan doktor, učeni komentator Časnog Kur'ana. Allahovom milošću on je u tom zvanju upravljao brodom Ahmadijata do sigurnih voda potpuno ga osiguravajući od raspada. On je vodio brigu o pacijentima, propisivao im potrebne lijekove, držao predavanja o Kur'anu i hadisima, davao upute i naredbe i savjete vršiocima dužnosti, održavao predavanja o Kur'anu, hadisima i islamskoj misli, diktirao ogovore u pobijanju kritika islama i promišljao projekte za propagiranje islama.

Po njegovom preseljenju na ahiret, 1914 odijelo halifata je bilo dato hazret Mirzi Bashirudin Mahmood Ahmadu r.a. Hazret halifatul Mesih II je bio obećani sin Obećanog Meisje a.s. Njegovo rođenje je bilo u ispunjenju veličanstvenog pretskazanja Obećanog Meisje a.s. da će mu biti podaren sin čije će odlike i izvrsnosti biti istinski istaknuti. On je bio izabran za ovu uzvišenu službu halifatul mesiha u mladim godinama od 25 i Allahovom milošću, njegova trajanje službe je bilo blagoslovljeno ogromnim uspjesima izvan okvira izraza. Sa izuzetno malim sredstvima, on je uputio zajednicu do prethodno nedokucivih visina. On je pokrenuo brojne programe između kojih je Tahrik e džedid i wakfi džedid koji su bili sredstva u utemeljenju zajednice među skoro svim zemljama svijeta. Njegov jedinstveni genij je započeo pomoćne organizacije tako da svi članovi zajednice, pod zaštitom svojih određenih udruženja, su povezani zajedno u srdačne veze bratstva i sestrinstva i provode programe namijenjene da usade moralne i duhovne vrijednosti. On je utemeljio šuru unutar zajednice, savjetodavno tijelo koje se sastaje godišnje da promišlja i savjetuje halifu o važnim pitanjima upravljanja. On je postavio Kadija odbor pravni sistem koji zajednici omogućuje vrlo pošten, ekonomičan i častan način za svoje članove da riješe svoje unutrašnje nesuglasice, u skladu sa islamskim zakonom i pravom. On je započeo obilježavanje dana vjerskih utemeljitelja da proslavi život Časnog Poslanika s.a.v.s. i živote svih utemeljitelja velikih religija.

On je također pokazao istančano razumijevanje kompleksa političkih i društvenih pitanja uspješno vodeći zajednicu kroz dva strašna svjetska rata i iseljavanjem masa u Pakistan poslije odvajanja od Indije 1947 odakle je započeo cijeli grad Rabva od potpuno ničega u najnepristupačnijoj zemlji.

Njegove knjige i pamfleti kojih je više od 200 pokazuju ga kao uglednog teologa i stručnjaka dijagnostičara neprolaznih raznolikosti. Njegovo najveće djelo je vjerovatno komentar na Časni Kur'an u pet tomova koji čini deset hiljada stranica koje sadrže duboko odabrano razumijevanje i objašnjavanje hiljada duhovnih istina i skrivenih tajni, od kojih mnoge nikada nisu bile predstavljene prije.

Uprkos mnogobrojnih dužnosti on se trudio do krajnosti da u zajednici održi najviši stepen aktivnosti, i u pogledu samo popravljavanja i u pogledu propagiranja poruke islama. Mnoge noći je trošio u namazima i tražio savjet stručnjaka o raznim pitanjima. On je postavio sjajan lični uzor drugima.

Kad je umro, 1965 njegov najstariji sin hazret Mirza Nasir Ahmad r.a. je bio izabran za halifatul mesiha III. U toku 17 godina njegovog halifata, sa njegovom jedinstvenom upravljačkom sposobnosti i osobitim planovima dalekosežnih koristi, on je bio u stanju da značajno ojača i proširi zajednicu. Neki od nijemih odlika njegovog halifata uključuju fazl omar ustanove ,da promoviše aktivnosti na polju istraživačkog rada, obrazovanja, misionarskih poslova i ekonomske socialne brige zajednice i nusrat džehan programa pod kojim su bile otvorene mnoge škole i bolnice u Africi, čisto za usluge ljudima i bez ikakvih motiva za zaradom. Kroz uspjeh ovog programa, milioni afrikanaca su prihvatili Ahmadijat i nastavljaju da ga prihvataju. No vjerovatno će on biti najviše zapamćen po ovom jednostavnom a ipak visoko poučnom načinu života kojim je ostavio u nasljedstvo zajednici, tj motu: Ljubav za sve mržnja ni za kog.

Poslije smrti halifatul Mesiha III, 1982 za halifatul mesiha IV je izabran Hazret Mirza Tahir Ahmad, unuk obećanog Meisje a.s. On je kao i jegovi prethodnici, pod Božijim vodstvom, započeo razne programe da mobilizira napore zajednice za globalno širenje islama. U toku držanja službe do aprila 2003 veličanstvenih dvadeset jednu godinu, zajednica je bila izvanredno blagoslovljena svojim povećanjem broja članova sa 10 na zapanjujućih 150 -200 miliona širom svijeta. Pod njegovim naredbama, hiljade džamija, misionarskih kuća, klinika, bolnica i koledža posvećenih služenju islamu su bili utemeljeni. Homopoetske klinike su bili postavljeni svuda širom svijeta, pod njegovim nadzorom, obezbjeđujući milione ljudi sa lijekovima za razne blesti bez ikakve naplate. Među njegovim brojnim knjigama je njegova teza 'Objava, razum, znanje i istina' koja je bila proglašena kao moguće najveće literarno dostignuće zadnjeg stoljeća. Njegova odanost Časnom Kur'anu je potvrđena ličnim nadzorom brojnih prevoda i preciznim pregledom prevoda Časnog Kur'ana na razne jezike, a on lično je napravio tečan prevod i komentar na urdu jeziku.

Muslimanska TV Ahmadija, svjetski prvi satelitski globalni muslimanski prenosni kanal koji istovremeno omogućuje prevode uživo do osam jezika, koji je bio zamisao hazret Halifatul Mesiha IV r.a. Nemoguće je nabrojati sve blagoslove koje MTA internacionalni je donio u svom viru .On omogućuje, globalnoj publici, neprocjenjivi izvor znanja, uči razne jezike, diskutuje razna aktuelna pitanja i njihov odnos prema moralu i duhovnoj dobrobiti čovjeka, generalno je neophodan pregled za studente religije i filozofije svuda. Poseban je blagoslov što se halifa pojavljuje na ekranu i tako sljedbenici širom svijeta slušaju uživo njegovu hudbu i njegove govore i tako su povezani svi u jednu veliku porodicu. Posebno možda svečano primanje ili davanje zavjeta baiata na ruci halifatul mesiha koji je praćen širom svijeta uživo gdje je samo u jednoj godini do 81 milion novih Ahmadi muslimana pristupilo Ahmadija džematu iz preko stotinu nacija svijeta.

Trenutno uživamo vodstvo petog halife Ahmadija muslimaskog džemata hazret Mirza Masroor Ahmada da mu Allah bude pomagač u svim poslovima. Huzur je kao njegovi prethodnici najveći naglasak stavio na moralno učenje i pridržavanje islmskim propisima. U svojim hudbama savjetuj sve Ahmadi muslimane da budu uzor drugima po svom moralu, da se potpuno očiste i tek onda da prenose ovu poruku Božojeg jednistva drugima. Spas ljudi leži i njihovom vraćanju Bogu i napuštanju grešenih puteva i potpunog predavanja materijalizmu. Huzur također nalaže žrtvovanje u ime ljudi, rodbine, komšija i svih drugih ljudi bez obzira na rasu i položaj, također žrvovanje svog života i imetka za put islama jer to je glavni put pročišćavanja sebe i postizanja blizine Bogu i postizanja Njegovih blagoslova. Huzur je proputovao sve kontinente i obišao veliki broj džemata u Africi, Evrpi, Aziji, Australiji, Kanadi itd. Njegova posjeta je od ogromne važnosti za sve članove i uveliko podiže moral ljudi. Kroz blagoslov hilafeta Ahmadi mulsimani koračaju naprijed u sve veće pobjede za

islam ali i u svojim životima su svjedoci Allahove blizine kroz odgovaranje na njirove dove, kroz razne vizije i snove na koji način Allah im prenosi svoju poruku.

Očito je da halifat nije samo vrlo blagosloveljena institucija nego također vrlo važna institucija islama i neosporno poziva na najviši stepen pokornosti. Halifa je izabran kroz Allahovu volju ali kroz postupak vjernika. Obzirom na to što je Halifa izabran u skladu sa Božijom voljom, nepokornost njemu je zapravo ravno nepokornost Allahu i na isti način, pokornost Allahu svemogućem i pokornost službi halife jednostavno su lice i naličje iste kovanice.

Ovo je, u sebi, neophodan i dovoljan uvjet za nastavljanje ove velike Božije institucije. U zajednici inače polivenoj toliko mnogo Božijih blagoslova, hilafat je neosporno najvažnija blagodat članovima Ahmadija pokreta u islamu. Halifa igra važnu ulogu u sjedinjavanju svih članova zajednice pod jedan bajrak. Za sve članove on je, u sva vremena, duboko omiljeni otac prema kojem oni mogu pogledati radi upute, savjeta i ohrabrenja, svim inteligentnim i razumnim ljudima dobre namjere on se pokazuje kao dobar prijatelj i savjetnik i napaćenim on je, bez razlike, spreman izvor olakšice, utjehe i potpore.

Samo kroz blagoslov hilafeta i kroz Božiju milost islam je napravio napredak u prošlosti kao što nastavlja da pravi danas i, ako Bog da, nastaviti će da pravi godinama i stoljećima koji dolaze. Poslanstvo je sjeme poslije kojeg posredstvo halifata širi svoje silne darežljivosti širom svijeta. Poslije Časnog Poslanika islama s.a.v.s. kroz predana djela ispravno upućenih halifa, islam se raširio širom tada poznatog svijeta. Danas, pod uputom halifatul mesiha, Ahmadija pokret u islamu se širi i širi se sve brže svuda širom svijeta, uprkos svih napora neprijateljskih fanatika, i pojedinačno i državnog nivoa, čiji je ukazani cilj iskorjenjivanje Ahmadijata sa lica zemlje.

Kroz blagoslovljenu instituciju hilafati ahmadija, Allahovo obećanje u Kur'anu: "On će sigurno utemeljiti za njih njihovu vjeru koju je On odabrao za njih," je bilo ispunjeno. Dani brzo dolaze kad ćemo opaziti sjedinjavanje ljudi pod zastavom islama i bit ćemo svjedoci konačne i univerzalne manifestacije Allahovog jedinstva.

Fahrija Avdić